

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

বুধবার, জানুয়ারি ৩১, ২০১৮

গণপ্রজাতন্ত্রী বাংলাদেশ সরকার
শ্রম ও কর্মসংস্থান মন্ত্রণালয়
চেয়ারম্যানের কার্যালয়
নিম্নতম মজুরী বোর্ড

বিজ্ঞপ্তি

তারিখ: ০৮ মাঘ ১৪২৪ বঙ্গাব্দ/ ২১ জানুয়ারি ২০১৮ খ্রিস্টাব্দ

নং নিমবো/নিমনি/দর্জি কারখানা /২০১৭/৬৭—বাংলাদেশ শ্রম আইন, ২০০৬ (২০০৬ সনের ৪২ নং আইন) এর ১৩৯ (১) ধারা এবং বাংলাদেশ শ্রম বিধিমালা, ২০১৫ এর ১২৮ (১) বিধি মোতাবেক নিম্নতম মজুরী বোর্ড কর্তৃক “দর্জি কারখানা” শিল্প সেক্টরে নিযুক্ত সকল শ্রেণির শ্রমিকগণের জন্য নিম্নতম মজুরী হারের খসড়া সুপারিশ, ২০১৮ জনসাধারণের/সংশ্লিষ্ট সকলের অবগতির জন্য অত্র বিজ্ঞপ্তি মারফত জানানো যাইতেছে।

অত্র বিজ্ঞপ্তিতে প্রকাশিত “দর্জি কারখানা” শিল্প সেক্টরে নিযুক্ত সকল শ্রেণির শ্রমিকগণের নিম্নতম মজুরী হারের খসড়া সুপারিশের উপর যদি কাহারও কোনো আপত্তি বা সুপারিশ থাকে তাহা হইলে এই গেজেট বিজ্ঞপ্তি প্রকাশের ১৪ (চৌদ্দ) দিনের মধ্যে উক্ত আপত্তি বা সুপারিশ উপাত্তসহ লিখিতভাবে চেয়ারম্যান, নিম্নতম মজুরী বোর্ড, ২২/১ তোপখানা রোড, বাশিকপ ভবন (৬ষ্ঠ তলা), সেগুনবাগিচা, ঢাকা -১০০০ বরাবর পাঠাইতে হইবে। উক্ত সময়সীমার মধ্যে প্রদত্ত আপত্তি বা সুপারিশ বিবেচনার পর বোর্ড সরকারের নিকট সুপারিশ পেশ করিবেন।

সৈয়দ আমিনুল ইসলাম
চেয়ারম্যান (সিনিয়র জেলা জজ)
নিম্নতম মজুরী বোর্ড, ঢাকা।

(৯৫১)

মূল্য : টাকা ৮.০০

নিম্নতম মজুরী বোর্ড, ঢাকা
“দর্জি কারখানা” শিল্প

খসড়া সুপারিশ-২০১৮

গণপ্রজাতন্ত্রী বাংলাদেশ সরকারের শ্রম ও কর্মসংস্থান মন্ত্রণালয়, অধিশাখা-৬ এর পত্র নং ৪০.০০.০০০০.০১৬.৩২.০৪.১৬-২১৫ তারিখ: ০৬/০৮/২০১৭খ্রিস্টাব্দ মূলে আইন ও বিধি মোতাবেক “দর্জি কারখানা” শিল্প সেক্টরে নিম্নতম মজুরী নির্ধারণের কার্যক্রম গ্রহণের জন্য নিম্নতম মজুরী বোর্ডের চেয়ারম্যানকে অনুরোধ জানানো হয় এবং ০২/০৭/২০১৭খ্রিস্টাব্দ বাংলাদেশ গেজেটের অতিরিক্ত সংখ্যায় প্রকাশিত প্রজ্ঞাপন মূলে (এস. আর. ও নং ১৯৮-আইন/২০১৭ তারিখ: ২০/০৬/২০১৭) নিম্নতম মজুরী বোর্ডে “দর্জি কারখানা” শিল্প সেক্টরের প্রতিনিধিত্ব করিবার জন্য মালিকগণের প্রতিনিধিত্বকারী সদস্য ও শ্রমিকগণের প্রতিনিধিত্বকারী সদস্য নিয়োগ করা হয়।

অতঃপর নিম্নতম মজুরী বোর্ড “দর্জি কারখানা” শিল্প সেক্টরে নিযুক্ত সকল শ্রেণির শ্রমিকগণের জন্য নিম্নতম মজুরী হারের সুপারিশ প্রণয়নের উদ্দেশ্যে নিম্নতম মজুরী বোর্ডের একাধিক সভা অনুষ্ঠিত হয়। এছাড়া বোর্ডের চেয়ারম্যান ও সদস্যগণ ঢাকার বঙ্গবন্ধু এভিনিউতে অবস্থিত সানমুন টেইলার্স, প্যারাডাইস টেইলার্স, সিটি হার্ট টেইলার্স ও মুনলাইট টেইলার্স “দর্জি কারখানা” শিল্প সরেজমিনে পরিদর্শনকরত তথ্য উপাত্ত সংগ্রহ করেন। বোর্ড সংশ্লিষ্ট শিল্পের মালিকগণের প্রতিনিধিত্বকারী সদস্য ও সংশ্লিষ্ট শিল্পে নিযুক্ত শ্রমিকগণের প্রতিনিধিত্বকারী সদস্যের বোর্ডে দাখিলকৃত মজুরী প্রস্তাবসহ শ্রমিকদের জীবনযাপন ব্যয়, জীবনযাপনের মান, উৎপাদন খরচ, উৎপাদনশীলতা, উৎপাদিত দ্রব্যের মূল্য, মুদ্রাস্ফীতি, কাজের ধরন, ঝুঁকি ও মান, ব্যবসায়িক সামর্থ্য, দেশের এবং সংশ্লিষ্ট এলাকার আর্থ-সামাজিক অবস্থা এবং অন্যান্য প্রাসঙ্গিক বিষয় পর্যালোচনা করেন। সার্বিক অবস্থা বিবেচনাপূর্বক বাংলাদেশ শ্রম আইন, ২০০৬ এর ১৩৯ ধারা মোতাবেক “দর্জি কারখানা” শিল্প সেক্টরে নিযুক্ত সকল শ্রেণির শ্রমিকগণের জন্য নিম্নতম মজুরী হার নির্ধারণের বিষয়ে নিম্নতম মজুরী বোর্ড সর্বসম্মতিক্রমে গণপ্রজাতন্ত্রী বাংলাদেশ সরকারের নিকট নিম্নলিখিতভাবে খসড়া সুপারিশ পেশ করিল:

- ১। এই সুপারিশে উল্লিখিত নিম্নতম মজুরী হার বাংলাদেশে অবস্থিত সকল এলাকার “দর্জি কারখানা” শিল্প সেক্টরের জন্য প্রযোজ্য হইবে।
- ২। এই সুপারিশে উল্লিখিত পদের অতিরিক্ত কোন পদ সংশ্লিষ্ট শিল্পে সংযোজিত হইলে উহা যথাযথ শ্রেণিতে/গ্রেডে অন্তর্ভুক্ত করা যাইবে।
- ৩। উক্ত শিল্প সেক্টরের তফসিলে উল্লিখিত শ্রমিক বর্তমানে যে গ্রেডে কর্মরত আছেন সেই গ্রেডেই তাহাকে স্থলাভিষিক্ত করিয়া তাহার মজুরী নির্ধারণ করিয়া বর্তমান প্রাপ্ত মজুরীর সহিত সুপারিশকৃত বর্ধিত মজুরী যোগ করিয়া তাহার মজুরী নির্ধারণ করিতে হইবে। কোনো শ্রমিককে নিম্ন গ্রেডে স্থানান্তর করা যাইবে না।

- ৪। এই সুপারিশের প্রেক্ষিতে সরকার কর্তৃক প্রজ্ঞাপন জারির পর হইতে উক্ত শিল্প সেক্টরের মালিকগণ তফসিলে উল্লিখিত পদবিন্যাস অনুযায়ী শ্রমিককে যথাযথ পদে সন্নিবেশিত করিয়া মজুরী রেজিস্টারভুক্ত করত মজুরী স্লিপ প্রদান করিবেন।
- ৫। তফসিল “ক” ও “খ” এ উল্লিখিত মজুরী নিম্নতম মজুরী হিসাবে গণ্য হইবে এবং উক্ত নিম্নতম মজুরী অপেক্ষা কম মজুরী প্রদান করা যাইবে না, তবে উক্ত নিম্নতম মজুরী অপেক্ষা অধিকহারে মজুরী প্রদত্ত হইয়া থাকিলে তাহা হ্রাস করা যাইবে না।
- ৬। নিয়োগকর্তা বা মালিকপক্ষ ইচ্ছা করিলে স্ব-উদ্যোগে বা এককভাবে বা যৌথ উদ্যোগে সম্পাদিত চুক্তি অনুযায়ী কোনো শ্রমিক অথবা শ্রমিকগণকে অধিক হারে মজুরী প্রদান করিতে পারিবেন।
- ৭। উক্ত শিল্প সেক্টরে কোনো শ্রমিক ঠিকাদারের মাধ্যমে নিয়োজিত হইয়া মজুরী প্রাপ্ত হইয়া থাকিলে উক্ত শ্রমিকও বাংলাদেশ শ্রম আইন, ২০০৬ এর ধারা ২(৬৫) অনুযায়ী “শ্রমিক” বলিয়া গণ্য হইবেন। উক্ত শিল্প সেক্টরে কোন শ্রমিকের ঠিকাদারের নিকট প্রাপ্য পাওনাতির ক্ষেত্রে কোনো সমস্যা সৃষ্টি হইলে তাহার দায়দায়িত্ব মালিকপক্ষের উপর বর্তাইবে। ঠিকাদার নিম্নতম মজুরী বোর্ডের সুপারিশের আলোকে সরকার কর্তৃক শ্রমিকের জন্য ঘোষিত নিম্নতম মজুরী অপেক্ষা কোনোক্রমেই কম মজুরী প্রদান করিতে পারিবেন না।
- ৮। শর্ত (৭) এ উল্লিখিত নিয়োগকারী ঠিকাদার বাংলাদেশ শ্রম আইন, ২০০৬ এর ধারা ১২১, ধারা ১৫০ এবং ধারা ১৬১ এর বিধান মোতাবেক মালিকের ন্যায় একইরূপ ব্যবস্থা গ্রহণ করিবেন।
- ৯। উক্ত শিল্প সেক্টরের মালিক যদি শ্রমিককে ফুরণভিত্তিক (Piece rate) মজুরী প্রদান করিয়া থাকেন, তবে তফসিলে উল্লিখিত হারে ও উপরি-উক্ত শর্তাধীনে মজুরীর হার এইরূপ হারে সংশোধন করিতে হইবে যাহাতে তাহারা বিভিন্ন শ্রেণিভুক্ত শ্রমিকের জন্য নির্ধারিত নিম্নতম মজুরী অপেক্ষা কম মজুরী প্রাপ্ত না হন।
- ১০। তফসিলে উল্লিখিত নিম্নতম মজুরী ও বিভিন্ন ভাতাদি ছাড়াও শ্রমিক কর্মরত প্রতিষ্ঠানে অন্যান্য যে সকল অধিকার, সুযোগ-সুবিধা ও ভাতা পাইয়া থাকেন তাহা বাংলাদেশ শ্রম আইন, ২০০৬ এর ধারা ২(১০), ধারা ১০৮ এবং ধারা ৩৩৬ এর বিধান মোতাবেক বলবৎ, অব্যাহত থাকিবে।
- ১১। “দর্জি কারখানা” শিল্প সেক্টরে নিযুক্ত শ্রমিক প্রতি বৎসর মূল মজুরীর ৫% বার্ষিক মজুরী বৃদ্ধির সুবিধা পাইবেন।

১২। উক্ত শিল্প সেখানে নিযুক্ত শ্রমিক বাংলাদেশ শ্রম আইন, ২০০৬ এবং বাংলাদেশ শ্রম বিধিমালা, ২০১৫ এর সংশ্লিষ্ট ধারা ও বিধি অনুযায়ী ভাতাদি এবং অন্যান্য সুবিধাদি প্রাপ্য হইবেন।

১৩। এই সুপারিশের কোনো অংশ প্রচলিত বাংলাদেশ শ্রম আইন/বিধি এর সহিত সাংঘর্ষিক হইলে সেই অংশটুকু বাতিল বলিয়া গণ্য হইবে।

সৈয়দ আমিনুল ইসলাম
চেয়ারম্যান (সিনিয়র জেলা জজ)
নিম্নতম মজুরী বোর্ড, ঢাকা।

(অধ্যাপক ড. মোঃ কামাল উদ্দীন) নিরপেক্ষ সদস্য	(কাজী সাইফুদ্দীন আহমদ) মালিকগণের প্রতিনিধিত্বকারী সদস্য	(ফজলুল হক মন্টু) শ্রমিকগণের প্রতিনিধিত্বকারী সদস্য
---	--	---

(হাজী আবুল কালাম আজাদ) সংশ্লিষ্ট শিল্পের মালিকগণের প্রতিনিধিত্বকারী সদস্য	(মোঃ আইয়ুব আলী) সংশ্লিষ্ট শিল্পে নিযুক্ত শ্রমিকগণের প্রতিনিধিত্বকারী সদস্য
---	---

তফসিল “ক”
মাসিক মজুরী হার

শ্রমিক পদবিন্যাস ও শ্রেণিবিভাগ	এলাকা	মাসিক মূল মজুরী	বাড়ী ভাড়া ভাতা (বিভাগীয় শহরে মূল মজুরীর ৪০% এবং জেলা ও উপজেলা শহরে মূল মজুরীর ৩৫%)	চিকিৎসা ভাতা	যাতায়াত ভাতা	সর্বমোট মজুরী
গ্রেড-১ (উচ্চতর দক্ষ):	বিভাগীয় শহর	৯২০০/-	৩৬৮০/-	৫০০/-	৩০০/-	১৩৬৮০/-
১। কাটার মাস্টার (জেন্টস)	জেলা ও	৯২০০/-	৩২২০/-	৫০০/-	৩০০/-	১৩২২০/-
২। কাটার মাস্টার (লেডিস)	উপজেলা শহর					
গ্রেড-২ (উচ্চতর দক্ষ):	বিভাগীয় শহর	৮৬০০/-	৩৪৪০/-	৫০০/-	৩০০/-	১২৮৪০/-
১। হিসাব রক্ষক	জেলা ও	৮৬০০/-	৩০১০/-	৫০০/-	৩০০/-	১২৪১০/-
২। সেলসম্যান/ডেলিভারিম্যান	উপজেলা শহর					
৩। স্টোরম্যান						
৪। পুরুষদের কোট, প্যান্ট, সেরওয়ানী, সাফারী, ডাক্তারী এপ্রোন বা অনুরূপ সেলাই কারিগর						
৫। মহিলাদের বোরকা, এপ্রোন, কোট, প্যান্ট, ম্যাক্সি, মিডি বা অনুরূপ সেলাই কারিগর						
গ্রেড-৩ (দক্ষ) :	বিভাগীয় শহর	৮২০০/-	৩২৮০/-	৫০০/-	৩০০/-	১২২৮০/-
১। পুরুষদের শার্ট, পাজামা, পায়জামা, স্কুল ডেস বা অনুরূপ সেলাই কারিগর	জেলা ও	৮২০০/-	২৮৭০/-	৫০০/-	৩০০/-	১১৮৭০/-
২। মহিলাদের ব্লাউজ, ফ্রক, কামিজ, সেলোয়ার, থ্রি পিস বা অনুরূপ সেলাই কারিগর	উপজেলা শহর					
৩। রেডিমেড পোশাক (পুরুষ/মহিলা/শিশুদের জন্য) মেকার।						
গ্রেড-৪ (আধা-দক্ষ) :	বিভাগীয় শহর	৩৬০০/-	১৪৪০/-	৫০০/-	৩০০/-	৫৮৪০/-
১। ফিউজিং অপারেটর	জেলা ও	৩৬০০/-	১২৬০/-	৫০০/-	৩০০/-	৫৬৬০/-
২। আইলেট অপারেটর	উপজেলা শহর					
৩। ওভারলক অপারেটর						
৪। সাধারণ সেলাই কারিগর						
৫। সিকিউরিটি গার্ড						

শ্রমিক পদবিন্যাস ও শ্রেণিবিভাগ	এলাকা	মাসিক মূল মজুরী	বাড়ী ভাড়া ভাতা (বিভাগীয় শহরে মূল মজুরীর ৪০% এবং জেলা ও উপজেলা শহরে মূল মজুরীর ৩৫%)	চিকিৎসা ভাতা	যাতায়াত ভাতা	সর্বমোট মজুরী
গ্রেড-৫ (অদক্ষ) :	বিভাগীয় শহর	৩০০০/-	১২০০/-	৫০০/-	৩০০/-	৫০০০/-
১। জেন্টস কাজের হেলপার ২। লেডিস কাজের হেলপার ৩। রেডিমেড পোশাকের হেলপার ৪। অন্যান্য কাজের হেলপার ৫। টি বয়।	জেলা ও উপজেলা শহর	৩০০০/-	১০৫০/-	৫০০/-	৩০০/-	৪৮৫০/-

● শিক্ষানবিস :

- (ক) শিক্ষানবিশীকাল ০৬(ছয়) মাস।
- (খ) শিক্ষানবিশীকালে শিক্ষানবিশ শ্রমিক মাসিক সর্বসাকুল্যে =৩০০০/- (তিন হাজার) টাকা প্রাপ্ত হইবেন।
- (গ) শিক্ষানবিশীকাল সমাপ্ত হইবার পর শিক্ষানবিশ শ্রমিক সংশ্লিষ্ট গ্রেডের শ্রমিক হিসাবে নিযুক্ত হইবেন।

তফসিল “খ”
ফুরণভিত্তিক (Piece rate) মজুরী হার

ক্রমিক নং	কাজের আইটেম/প্রকৃতি/ধরণ	মজুরী
১	কোট সেলাই	৬০০/- (প্রতিটি)
২	প্যান্ট সেলাই	১৬৫/- (প্রতিটি)
৩	সেরওয়ানি সেলাই	৭০০/- (প্রতিটি)
৪	সাফারী সেলাই	৩০০/- (প্রতিটি)
৫	ডাক্তারী এপ্রোন সেলাই	২০০/- (প্রতিটি)
৬	বোরকা সেলাই	২০০/- (প্রতিটি)
৭	ম্যাক্সি সেলাই	১০০/- (প্রতিটি)
৮	শার্ট সেলাই	১১৫/- (প্রতিটি)
৯	পাঞ্জাবী সেলাই	১২০/- (প্রতিটি)
১০	পায়জামা সেলাই	৮০/- (প্রতিটি)
১১	ব্লাউজ সেলাই	৫০/- (প্রতিটি)
১২	সেলোয়ার সেলাই	৭০/- (প্রতিটি)
১৩	স্কুল ডেস সেলাই	২০০/- (প্রতি সেট)
১৪	থ্রি পিস সেলাই	১৬০/- (প্রতি সেট)